

# INUIT ATAQATIGIIT INATSISARTUNI



UKA 2022/23.1

4. oktober

2022

Asii Chemnitz Narup

**Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaat**

**(Akitsuummik atorunnaarsitsineq, naalagaaffiillu pisortaasa pisortatigoortumik tikeraarnerannut il.il. atatillugu qamutit motorillit eqqunneqarneranni akitsuummik atorunnaarsitsineq)**

(Aningaasaqarnermut Naligiissitaanermullu Naalakkersuisoq)

## **Oqaaseqartartup oqaaseqaataa**

Naalakkersuisut eqqussuinermi akitsuutit pillugit inatsimmut atuuttummut allannguutissatut siunnersuutit marluk saqqummiuppaat.

Allannguutissatut siunnersuummi siullermi kaffinut, tiinut timmissanullu akitsuutit atorunnaarsinneqarnerisa piujuartunngortinnisaata qulakkeernissaa siunertaavoq.

# INUIT ATAQATIGIIT INATSIARTUNI



Partiit sisamat (Inuit Ataqatigiit, Naleraq, Demokraatit aamma Atassut) siorna novembarimi ukioq mannamut aningaasanut inatsit pillugu isumaqatigiissusiorput. Isumaqatigiissutip taassuma ilaatut aalajangerneqarpoq nioqqutissat taaneqartut 2022-mi akitsuuteqartinneqassanngitsut.

Eqqussuinermi akitsuutit atorunnaarsinnerat atuisut ulluinnarni inuunerisa oqinnerulersinneqarnissaannut alloriarneq siulliuvoq.

Inuiat Ataqatigiit kaffinut, tiinut timmissanullu akitsuutit piujuartumik atorunnaarsinnissaat tamakkiisumik taperserpaat.

Innuttaasut tamarmik ulluinnarni inuunerisa oqinnerulersinneqarnissaata Inatsisartuni tamatsinnit ataatsimoorfigineeqarnera Inuit Ataqatigiit nuannaarutigaa, aamma kaffinut, tiinut timmissanullu akitsuutit piujuartumik atorunnaarsinnerisigut.

# INUIT ATAQATIGIIT INATSISARTUNI



Akitsuutinik atorunnaarsitsineq siornamut sanilliullugu ullumikkut siunertaqarneruvoq isumaqarnerujussuullunilu. Ruslandip Ukrainemut ukioq manna februarimi sakkutuulersorluni tiguaanera nunarsuarmi tamarmi nukissiuutit, inuussutissat assartuinermilu akit annertuumik qaffannerannik kinguneqarnera pissutigalugu.

Nunarsuarmi aningaasat annertuumik naleerukkiartornerat uagutsinnuttaaq eqquisimanagera pissutigalugu.

Siunissaq nalorninarloq ukiunut qaangiuttunut arlalissuarnut naleqqiullugu nalorninarnerusutut ittoq siunissarivarput.

Aningaasat naleerukkiartornerisigut inuussutissat eqqussukkatta suli akisunerulissatut Inuit Ataqatigiinni annilaangassutigarput. Naalakkersuisut piffissaagallartillugu iliuuseqarnissaq siunertaralugu akit ineriartornerat inoqutiginnullu kingunissai malinnaavigissagaat soorunami ilimagaarput.

# INUIT ATAQATIGIIT INATSIARTUNI



Annertunerungaartumik immitsinnut  
pilersorsinnaanissarput, aamma inuussutissanik,  
politikkikkut anguniagaqarpugut. Anguniagaq taanna nunat  
tamat akornanni inuussutissatigut ajornartoornermut  
atatillugu isigisariaqarparput. Nutaanik  
isumaliuteqartoqariaqarpoq aammalu aalisakkanik,  
miluumasunik imarmiunik, timmissanik, nersutinik,  
qeqqussanik, naasunik pilersuivitta iluarsiiviginiisaannut  
imminut nappassinnaasumk pilersaarusiortoqarariaqarluni,  
taamaalilluni piniartunit/aalisartunit tunisassiortunillu  
ilaqutariit igaffiannut aqut naannerpaajussalluni  
akikinnerpaajussallunilu.

Nunatta pissarititai inuussutissaatigut  
akisuallaarujussuarput. Amerlasuut tamakkuninga  
pisinissaq akissaqartinngilaat.

Taamaammat Naalakkersuisut marlunnik qinnuigagut:

1) Annertunerusumik imminut pilersornissamik anguniagaq  
salliateqqullugu!

# INUIT ATAQATIGIIT INATSISARTUNI



2) Nammineq inuussutissaatitta akiinik misissuineq aallarteqqullugu, immikkoortuni suni akit qaffanneri maluginiaqqissaaqqullugu, periutsinik atuisunut aamma piniartunut/aalisartunut tunisassiortunullu iluaqutaasinnaasunik siunnersuusioqqullugit.

Akit appasinnerusut annertunerusumik imminut pilersornerup iluatsinnissaanut pisariaqarput.

Uaguinnaanngilaq inuussutissaqarniarneq pillugu ukkatarinnittariaqartut. Nunarsuarmioqatigiinni inuiassuit aallat aamma taamatut inissisimapput.

FN-ip nunarsuarmi anguniagaani 2-mi inuussutissatigut isumannaatsuunissamik apeqqut pineqarpiarpoq.

.....

Allannguutissatut siunnersuutip aappaa – qamutit nunani allani oqartussanit nalagaaffimmit tikeraarnermut atatillugu eqqunneqarallartut eqqussinerullu kingorna kingusinnerpaamik ullut 30-t qaangiunneranni

# INUIT ATAQATIGIIT INATSISARTUNI



anniseqqinneqartut akitsuuserneqannginnissaannik  
kinguneqartussa – Inuit Ataqatigiit taperserpaat.

Inatsisilerinermi teknikkikkut kukkunerup aaqqinneqarnera  
tusaatissatut tiguneqarpoq taperserneqarlunilu.

Taamatut oqaaseqarluta allannguutissatut siunnersuutit  
Aningaasaqarnermut Akileraartarnermullu  
Ataatsimiititaliamut suliareqqitassanngortippagut.